



UNIVERSITÄTS-  
BIBLIOTHEK  
PADERBORN

**Scientia Salvat̃is, Sive Considerationes Piæ, Præcipuam  
Spiritualis Vitæ Materiam complectens**

**Laberhittel, Samuel**

**Ingolstadii, 1660**

89. Fer. 6. Omnis patiens latus.

---

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

*Feria 5. Dom. 2. Quadrag. 145*

*Conf. 2.* Quomodo peractâ oratione secundâ redierit, imò & tertiâ, rediens inven- rit eos dormientes, erant enim oculi eorum gravati, & ignorabant, quid responderent ei. Gravati oculi non tam corporum, quàm animorum vicinâ negatione: Vel gravati somno: Quia erat multa nox: Vel gravati humore præ tristitia: Solet enim mœror animi sicut lacrimas exprimere, ita vapores in cere- bro excitare, unde nascitur sônus; videmus- que infantes postquâ fleverunt, altè dormire, & viros, cùm in luctu sunt, opprimi somno.

*Conf. 3.* Quomodo Christus sui negligens ipsos invisat; sic aurifaber præclarum opus in fornace liquans colloquium animi rescin- dit: Mater ægrotum filium surgens à mensa visitat, jamq; excitat, jam dormire sinit, ne molesta sit: Sic avis metuens pullis nidum circumvolat, & dux in acerrima obsidione vigilat portas se sistit: Et Christo minor est vitæ impetrandæ, quàm suorum commodis procurandis cura, dum sui oblitus in tanto rerum cardine cum Patre interrumpit collo- quium. Discam suspectam esse charitatē Dei, quæ caret metu, curâ, & sollicitudine proximi sui.

MEDITATIO LXXXIX.

*Feria 6. Dom. 2. Quadrag.*

*Om̃is patiens latus.*

G

Aspi.



**A**spiciam Christum ex tristi lætum ( qui usque ad mortem suam in voluntatem Patris se resignavit ) lætum & hilarem mortui obviantem. Petam agnoscere lætitiã patientium conformiter voluntati Dei.

*Conf. 1.* Verba Domini Matth. 26 *Tunc venit ad discipulos suos, & dicit illis: Dormite, & requiescite, sive id dicat ironice, sive ut mendum demat, sive ut oportere se pati, nec indigent eorum auxilio ostendat; Sufficit; quod dixit requiescens prius aliquantulum, statimque addit: Venit hora: Ecce Filius hominis tradetur in manus peccatorum. Matth. 26. Marc. 14. flagitiosorum, & gentium. Surgite, eamus, ecce appropinquavit, qui me tradet. Matth. 26. Qui me tradet, prope est. Matth. 14. Ulterius pergamus ad mortem; non inveniant nos timores, sed gaudium, & confidentiam videant; Voluntas robustior est, cum appetitus consensit. Imaginationem præcipuam pavoris causam vincat promptitudo animi generosa.*

*Conf. 2.* Quomodo resignatio Christi patientiam ejus lætificaverit: Quia istiusmodi homines resignati, nulla in re animi afflictionem sentiunt: nam animi dolorem vel afflictionem dicimus, cum voluntas hominis de liberata ratione vellet afflictione carere, atque homines mortificati operationi divinæ ut suæ acquiescunt. Itaque qui in adversis